

Date – 28/12/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

- 1 Kum hlui thlaha kum thar lawm turin Mizoram a inpuahchah mek a, kumin chhunga Inrinni hnuhnung ber vawiin khan dan pangngaiin chawhmeh leh bazar hmun lun lai te hawn a ni.
- 2 Civil Aviation Principal Consultant hlui wing commander Joe Lalhmingliana chuan Mizoram sorkarin Lengpui tumhmun, Indian Air Force kuta a hlan chuan a la pawl hle dawn a ni, a ti.
- 3 Ni 5 chhung African Swine Fever vangin vawk thi a awm tawh lova, December ni 14 atang khan vawk damlo suat a awm tawh lo bawk.
- 4 Prime Minister hlui Dr. Manmohan Singh-a chu sorkar chawimawina famkim nen New Delhi-a Nigam Bodh Ghat-ah vuiliam a ni.

<><><>

NEW YEAR PREP

Kumhlui thlaha kum thar lawm turin state mipuite ngawrh takin an inpuah chah mek zel a, kumin chhunga Inrinni hnuhnungber vawiin hian Inrinni a tihdan thin pangngaiin chawhmeh leh bazar hmun lun lai te hawn a ni.

Aizawl ah chuan, inrinni dang aiin mipui an thawl zawk ni a hriat a ni a, chawhmeh bazar hmun te pawh a thawl viau niin kan corr chuan a sawi a ni.

Kan corr report lo ngaithla ang.

(Aizawl mipuiten Kumthar hmuak turin an inbuatsaih mek a, vawiin inrinni hian sumdawna hmun te pawh dan pangngaiin a inhawng leh vek tawh a ni. Hetihlai hian Kumthar boruak tha tak hnuaia mipuiin an hman theih nan Aizawl Police chuan venhinna leh dan leh thupek te uluk takin a kengkawh dawn a. Mipuite him nan halpuah leh halmawi hâl lo turin a ngen nawn leh a.

Aizawl khawpui chhung hi Security zone 3-ah then niin Police Zonal officer paruk ruat an ni a, Zonal officer pui turin sector officer dah an ni bawk. Zan lamah khawlai a duty Police engemawzat dah an ni a. Police Station tinah Police duty dah belh an ni bawk. Police tha tichak turin zan lamah drone hmangin venhinna thuam a ni bawk ang. Police Station hrang hrang pathum ah drone dah a ni a. Aizawl khawpui surveillance leh security monitoring-ah nasa takin Police te a pui tura ngaih a ni.)

Lungleiah chuan Inrinni dang aiin Super market chheh velah thil lei leh bazar an tlem zawk niin kan corr chuan a sawi a, Kum 20 chuang dawr lo nghak tawh pa pakhat chuan Lunglei Municipal Council a lo awm tak avang

leh ni za inhlawhna a bo tak avanga pawisa lengvak tlem chuan inhralh a har phah ta ni a a ngaih thu a hrilh.

Sorkar in halpuah leh halmawi lam chi a khap chu Sub.Hqtrs.YMA Lunglei pawhin an theih ang tawk a thlawpin branch hrang hrangah hmala turin ngenna an ti chhuak tawh tih Pu Zothanzuala Hnamte,Secretary Sub.Hqtrs.YMA Lunglei chuan a sawi (BYTE).

Lawngtlai District ah a nawlpui ang chuan Krismas lawmna zawhfel thahwkhat a ni a, khua leh veng thenkhat ah chhunlam ah Krismas lengkhawm hriattur a la awm tih kan corr chuan a sawi aa, Kohhran hrang hrang ten Krismas leh kumthar inkar ah Zaikhawm nei chhunzawm turin ruahmanna an siam a ni a ti.

Lawngtlai DC Pu Cheemala Siva Gopal Reddy chuan Lawngtlai a Akashpani corr zawhna chhangin khawi hmun atang mahin thil duhawmloh thleng hriat a nihloh thu a sawi a, ramri boruak a muanawm a, mipuiten boruak nuamtak hnuaiah Krismas an lawm chu lawmawm a tihthu a sawi a, Khua leh veng hrang hrangah Tlawmngaipawl te inpeknate, Kohhran lamin tan an laknate, Chanchinbumiten mipui zirtirna an thehdarh nasate chuan boruak a ti muanawm tih sawiin Lawngtlai DC chuan Lawngtlai Police te thawhrimna pawh fakawm a tih thu a sawi.

Lawngtlai khawpui chhung a la thawl viau a, Dawr inhawng awm nual mahse dawrtu mipui an la awm mumallova, khawpui chhunga mihring phur chi lirthei te tlan tan mahse mihring veivak an la tlemin Sorkar Office pawimawhte pawh hawn nimahse, dawrtu an awm mumallo a ni. Hetihlai hian halpuah leh halmawi lam hal lo tura hmalakna Police ten an kalpui mek a, a theih chin chinah venhimna pawh uluk a nih tur thu Police te chuan an sawi a ni.

<><><>

LENGPUI AIRPORT

Civil Aviation a Principal Consultant hlui wing commander Joe Lalhmingliana chuan Mizoram sorkarin thlawhna tumhmun a neih chhun Lengpui tumhmun hi Indian Air Force kuta a hlan chuan a la pawh hle dawn a ni, a ti.

Akashvani Aizawl zawhna chhangin Pu Lalhmingliana chuan tuna sorkarin Indian Air Force kuta Lengpui tumhmun hlan a tum hi a tipuitling a nih chuan chatuan a inchirna tur a ni, a ti a. Tun dinhmunah Lengpui tumhmun atanga thlawk chhuak leh rawn tum thin hi kum khatah mi nuai 4, sing 2 leh sang 5 an tling tawh niin Pu Lalhmingliana chuan a sawi a. Lengpui tumhmun leh a chhehvela sorkar thil neihte hi a nihna tur ang taka enkawl a, pawisa lak theihna tur apiang lak a nih chuan he thlawhna tumhmun atang hian sorkarin hlawkna a tel thei a ni a ti a. Tunah pawh hian kum khatah cheng vaibelchhe 9 vel lakluh a nih thu a sawi a ni. A hma khan Airport Authority of India khan an kuta hlan a nih theihna turin thu delhkih engemaw zat an siam a, thenkhat chu Mizoram sorkar tan pawm chi a nih loh avangin inremna siam theih a ni ta rih lo niin a sawi a. Indian Air Force hnena hlan phe chu thil tih chi miah lo ni a a hriat thu a sawi a ni.

Pu Lalhmingliana chuan mi thenkhatin Lengpui tumhmun chei thatna sum sen avangin sorkar tana sum senna hlir leh hloh hlira kal anga an sawi chu an hriat fuh loh vang a nih thu a sawi a. He thlawhna tumhmun chei thatna atana cheng vaibelchhe tam tak sen chu Mizoram sorkar sumbawm (budget)

atangin cheng khat pawh hman a ni lo a ti a. Sorkar laipui hnuai a Lengpui tumhmun cheina tur atana budget pawn atanga hmuh vek a nih thu a sawi a ni.

Sorkar hian tun ai hian Lengpui tumhmun atang hian sum tam zawk a hmuh chhuah theih dan a awm niin a sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puang a ni a. AIR News Aizawl Youtube Channel, All India Radio News Aizawl Facebook page leh newsonair.gov.in-ah te, chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

ASF UPDATE

Tun hnai ni 5 chung khan African Swine Fever (ASF) vawk pulhri leng avangin vawk thi a awm tawh lova, December ni 14 atang khan vawk damlo suat a awm tawh lo bawk.

AH and Vety department hotute chhinchhiah danin ni khata vawk thi leh suat tam ni awm leh zauh thin mah se vawk thi leh suat hi November thla laihawl vel atang khan a tlem chho zel a. December thla-ah pheii chuan ASF vawk pulhri leng hian zia-awm lam a pan zual hle. December ni 14, 15, 17, 20, 21, 22, 24, 25, 26, 27 leh 28-te hian vawk thi leh vawk damlo suat a awm lova. Chutih laiin December ni 18 khan Lunglei district-ah vawk 34 lai a thi thung a, a hma December ni 16 khan vawk 8 a thi a, ni 19 leh 23 khan vawk 1 ve ve a thi bawk. December ni 13 khan vawk damlo pakhat suat a ni a, hemi hnu hian vawk suat a awm leh tawh lo a ni.

Kumin February ni 9-a Champhai district Leithum khua a ASF vawk pulhri vanga thi an finfiah atanga kumin chhunga vawk thi zat chu 14,950 a ni a, vawk dam lo suat zat chu 24,177 a tling tawh bawk. Official-te chuan thlasikah chuan hri leng hi a zia-awm chho zel turah an ngai a, chutih rualin ASF vawk pulhri hian kum 2021 a rawn luh atang khan Mizorama a chhuahsan leh tawh lo a, kumtinin kum bul lam atangin a leng tan leh ziah thin a ni.

March ni 21, 2021 khan Lunglei district a Lungsen khua-ah ASF vawk pulhri vei hmasa ber chu finfiah a ni a. Hemi kum hian vawk 33,417 zet ASF pulhri vang hian thi-in vawk 12,568 chu suat a ni a. A kum leh 2022 khan pulhri avang bawk hian vawk 12,791 a thi leh a, vawk 11,594 chu he vawk pulhri darh zel venna atan hian suat a ni. Nikum khan ASF vanga vawk thi hi a tlem chhova, 1,039 thi-in vawk 928 suat a ni bawk a ni.

<><><>

DR. MANMOHAN SINGH LAID TO REST

Prime Minister hlui Dr. Manmohan Singh-a chu sorkar chawimawina famkim nen vawiin khan New Delhi-a Nigam Bodh Ghat-ah vuiliam a ni a, Sikh sakhua dan anga vuina inkhawm neih zawh hian President Droupadi Murmu, Vice President Jagdeep Dhankhar, Prime Minister Narendra Modi, Union

Minister Rajnath Singh, Amit Shah leh Jagat Prakash Nadda leh LoK Sabha Speaker Om Birla-ten zahna chibai hnukung an hlan a, Congress Party hruaitu Mallikarjun Kharge, Sonia Gandhi, Rahul Gandhi leh hruaitu pawimawh dangte pawhin chibai an hlan a, vuina inkhawmah hian sipai chi 3 hotu lute, Bhutan lal, Jigme Khesar Mangyel Wangchuk-a leh Mauritius Foreign Minister, Dhananjay Ramful-a te pawh an tel a ni.

Puan tawh angin Dr. Manmohan Singh-a hi kum 92 mi niin Dec. ni 26 khan New Delhi-a AIIMS-ah a thi a ni.

<><><>

MANN KI BAAT

Prime Minister Narendra Modi-a'n naktuk chawhma dar 11-ah hian Akashvani-ah Mann Ki Baat hun a hmang leh dawn a, he hun a hman vawi 117-na tur a ni. Prime Minister thusawi hi Akashvani leh Doordarshan network zawng zawng bakah AIR News website-ah leh Newsonair mobile app-ah te tihchhuah a ni ang a, heng bakah hian AIR News, DD News PMO leh I&B Ministry YouTube channel-ah te live-in pek chhuah a ni dawn a ni.

Prime Minister thusawi zawh hian a thusawi, bial hrang hrang tawnga lehlin tihchhuah chhonzawm nghal a ni ang.

<><><>

NAXALITE SURRENDER

Sorkar duhloh zawnga che thin, lu man cheng nuai 7 nei lai, Deva Sumado Mudam, kum 27 chu Maharashtra-a Gondia Dist thuneitute kutah a inpe. Chhatisgarh-a Bijapur dist mi, Deva hi kum naupangte anih atangin paw khawiha chetna hrang hrangah a tel thin a, Gondia dist police ngenna angin District Collector, Prajit Nayar-a leh police hotute kutah a inpe a ni.

<><><>